

gestalt so geverlicher weiß gehandelt, etwas das inen nit zugehörig angezogen hetten, den oder dieselben sollen und wollen die dorfherrn nach ihrer erkantnus und wichtigkait der ubertrettung darumb straffen. Und soll in disem faal die form und ordnung wie hieroben des einredens halber gemelt ist gehalten 5 werden, nemlich das ain jeder dorfherr die seinen selbs straff und wer nit unter inen sitzet sie miteinander verbüessen muegen.

In den jetztgemelten straffen soll niemands verschont, übersehen noch über ruck getragen werden, darmit keiner gefärlicher weiß überackert, ubermet, oder in ander weg wie bißher unge- 10 schickt eigennutziger weiß mecht geschehen sein betrangt, sunder ain ganze gemaind bey iren freylassen, altem herkommen und ain jeder gemainßman bey seinem eigenthumb und ehaftin dester¹⁾ gehandhabt und vor ungebührlichen eingriff verhüet werde.

Als oft und sovil auch die undergänger stain setzen, sol inen 15 von ain jeden stain alwegen sechs pfening durch ein jetlichen den es beruert on alles verziehen und widersprechen gegeben werden, die sie einemen, nutzen, niessen und gebrauchen mügen, wie und wohin sie wollen.

Welcher sich das sperren und widern wollt, den soll und 20 mügen die dorfherrn obgedachter form und ordnungs weiß²⁾ auch darumb straffen.

So dan über kurz oder lang zeyt ainer oder mer auß den siben undergängern mit tod abgiengen oder anderer redlicher ursach halben weiter darzu nit taugenlich weren, so soll alweg die parthey, 25 von der dieselben erwelt³⁾ sind, ander unverzogenlich für die abgangnen verordnen und welen.

Begeb es sich aber, das der undergang zu äußerst an Oberdorfer äther⁴⁾ gerings weiß hinumb an welchem orth das bescheht außwendiger herschaft leuth berüern wurde, so soll von derselben 30 herschaft der halbtail und von der Oberdorfer undergängern der ander halbtail darzu verordnet und getreulicher weiß in aller-massen, wie oben gemelt, undergangen werden.

Wem dan also undergangens noth sein wurd, der sol und mag sich gegen der dorfherrn ainem oder beeden anzaigen und 35 wo sie sich deßhalben ains tags verainigen, denselben tag sol

¹⁾ 1582 desto eher.

²⁾ 1582 ordnung nach.

³⁾ 1534, 1569, 1582^b erwölt.

⁴⁾ 1534, 1569 ether, 1582^b etter.